

肥鄉縣志卷三十二

災祥

石言石隕異聞備載於春秋恒雨恒暘咎徵亦詳於洪範後世條分縷析衍之以志五行下邑秋報春祈祀之以通八蜡感召悉由於人事變豈虛生水旱實係乎民生國何蔑有觀天文以察時變之異果能德政增修盡人事以聽天命之來自然恐懼致福志災祥

晉

石勒八年星隕於肥鄉一初赤色黃雲如幕長數十丈交錯如雷震聲墜地氣熱如火塵起連天時有耕者往視之土猶然沸見一石方丈餘青色而輕擊之聲如磬

十六國春秋

肥鄉縣志

卷三十二

災祥

宋

咸平六年十一月甲辰熒惑犯太微上相占曰上相憂明年宰相李沆卒

續文獻通考

金

明昌二年六月漳河決詔命速塞之

金史

元

正大二年六月肥鄉旱

資始通鑑

天歷三年七月肥鄉風雹害稼

續通考

至正十七年漳河溢肥鄉大水

續通考

明

成化十四年水災肥鄉尤甚府志十八年漳水入城碑記

宏治十四年大水城陷於漳府志

正德七年漳水入城郭郭修寺記

嘉靖十二年秋漳水災續通考二十六日漳水入城碑記二十

九年旱蝗舊志

隆慶元年鄆米堤決漳水侵城

萬歷二年勒馬臺村李海婦一胎產六子又趙某婦一胎

產三男縣官給穀乳之 十三年大旱無麥五月下紅

沙 十四年夏秋大旱無禾黃風四塞 十五年大旱

肥鄉縣志 卷三十二 災祥 二

黑風晝晦長多疫餓殍載道人以草根樹皮為糧 十

八年自正月至五月不雨無麥 二十年春清明日大

雪次辰雪化為冰草木折傷 二十二年大水為災

三十七年九月縣文殊寺立佛殿東梁產金色芝一本

香聞數里 三十八年春大飢流民載道 三十九年

秋飛蝗害稼野蚘生七月十四日漳水滄沒常家庄張

達等百十村七月十七日夜戌時西南赤雲如龍吞月

上有白光週布似雷形 四十一年三月晦日大雨雹

落地三寸不化秋七月大水野稻大獲有一畝收十二

石者冬人多病死 四十二年三月十八日平原君所

會揮手劫攘變起攝縣教諭冉崑出檄捕平九月二十  
一日地震 四十三年乙卯不雨至七月百禱不應  
四十六年十月十三日五更東方生蒼白氣長一丈門  
一尺形如刀黎明變赤色如火十月十五日東南彗星  
見如牛角形數月方退二十九日夜二鼓落一大星光  
映數百丈經刻不滅天鼓鳴 四十七年己未二月二  
五日大風霾日無光九月十一日黑風迷晝天鼓鳴十  
三日天鼓又鳴東方明星有芒類人形十月初四日夜  
落大星光衝蕩如鎗戮物經刻不散天河水赤 四十  
八年二月初三日大風霾

肥鄉縣志

卷三十二

災祥

三

天啟元年元日大雨雪三月又大雪十三日黑風起北方  
晝暝失入十八日大雨黃沙地震 二年二月初七日  
子時地震肥鄉城南樓脊吻墮雉堞崩雞犬驚走五月  
郡同知范公應禎署縣事霖雨不止六年二十九日漳  
水暴漲衝堤決城水與堞平屋上可駕舟楫冊報溺死  
男婦七百餘口十月知縣楊公時晦蒞任僑寓於郡城  
之漳川書院 三年楊公時晦歸縣挽水淘泥未竟告  
老去廣平知縣王國祚署篆修補城完復如故 五年  
六月二十九日漳水漂沒平安鎮等村黍稷蕩然七月  
二十七日三光並見日正辰殘月將午旁一巨星引之

崇禎元年六月六日大雨雹 三年正月初三日日食三  
圓五月大旱二十三日大雨雹六月暴風拔木震動天  
地西北怪雲起色如玉蘭 四年十二月二十一日午  
時日生四珥上下兩珥若半環自左右旁白氣吐出其  
合一環規可萬丈至未時方滅是夜三環套月 五年  
大雨兩旬十二月流寇逼臨洺徙市於關外 六年秋  
七月二十二日囚越獄占兵架庫以鐵刃擊動火藥甕  
藥驟發摧屋崩墻聲震天地健丁之救護而逼近者與  
木石羣飛舞空中焚死十有二人殘傷者不計其數十  
二月除夕大風掣電雷震聲烈異常 七年七月二十

肥鄉縣志

卷三十二

災祥

四

五日大雨雹西鄉杜唐堡荆科等村南北二十里東西  
百里拔木傾房禾苗一空擊死行人甚衆 八年三月  
大旱五月兩知縣侯公君招捐俸糴種給貧民助耕委  
訓導李衍祥下鄉催播 十年六月西韓村民劉二馬  
產雙駒 十一年五月五日生員柳培茂家馬產雙駒  
十二年大旱蝗蔽天隔日暗如黑夜行人路阻青草  
食絕集樹枝股皆折其年冬復有冰樹之災 十三年  
大疫歲飢樹皮草粒皆盡人相食村無烟火 十五年  
春夏旱七月二十六日立秋乃雨蕎麥一斗價值三千  
文是月石生毛長寸許拔而去之其末蟻見官署前石

獅毛尤多 十六年二月二十三日

皇清兵臨城下有黑氣數丈自西北起附城繞堞而南折往東至巽隅奎樓下散訖二十四日大風揚塵白晝如暝數日不息夜視城上戈矛火光迸現 十七年正月元旦五鼓西北有雷鳴

國朝

順治三年三月雪 八年正月十四夜月色如晝城外東南隅忽湧白氣數十丈粗可數圍漸踰城頂而散二月初城中妖人張耀斗李可教等受永年邪教粟丁印號布謀作亂數日皆敗露論死籍其家妻子坐流徙 九年

肥鄉縣志

卷三十二

災祥

五

夏麥兩歧或三五歧五月漳水自縣西忽移縣東自屯庄以及東臯等村瀰漫百里遷徙不常田禾沒荏葦生各鄉廬舍皆壞 十一年正月初一日雷鳴天雨黑水如墨五月大水平堤二麥漂沒衝出山中怪木無數取而置之案上有光如燭可照細字八月初五日辰時地震異常 十二年三月初五日暴風大作飛沙走石拔木壞屋

康熙四年大水注城四門角樓官署民舍俱壞至七月初二日雨盆傾七晝夜不止城中水盈數尺四關疊路上皆沒並人腰西北堤角蟻隙浸液無處取壤不能填塞

遂至大決衝城城中大半奔走有戀家未逃者俱歿城  
堵堞漸頽進退兩難閱一日成安曲周大船泛至救出  
止溺死二人 七年秋桃杏李花 八年秋杏再花十  
二月大雨

康熙四十年漳河溢滄沒東南六十餘村垣屋皆墟逃亡  
殆盡知縣許國棻築堤障水今遺址尚存

雍正八年夏大雨漳水暴漲平地水深數尺城西呂家堡  
四十餘村田禾皆沒

乾隆七年夏旱傷麥 五十八年七月大水滄沒禾稼

嘉慶六年秋禾被水 十六年野蚊損傷田禾 十七年

肥鄉縣志

卷三十二

災祥

六

秋禾被旱 十八年夏無麥六七月大旱八月霖雨二  
十餘日五穀生芽歲大飢籌撥賑卹 十九年路家堡

禪堂寺馬產雙駒旱兼被蟲蝻災傷 二十二年秋禾

被旱東張寨梁姓之子被大風颳至河南十餘年始歸  
道光元年夏疫 二年城內路蘭之妻一胎生三男 五

年東南兩路秋禾被旱 六年五月十三日大水自西

南來平地水深數尺次日水退正月大風晝晦 十年

閏四月二十二日酉時地大震房屋傾頽灰塵四散月  
餘不止二十五日黃昏時訛言寇至人心震動閉門

守二旬始定 十二年十一月二十九日大雪十餘日

深數尺井水冰樹皮凍裂 十三年三月十八日有  
風自西北來晝如夜踰時始止 二十年大稔 二十  
四年五月西南鄉大雨雹 二十五年東北兩路秋禾  
被旱 二十六年三月初四日太陽落後徧地起火人  
心惶恐如此二十餘日周圍數百里皆然秋禾被旱被  
蟲四月十八日屯庄營等村雨雹大如盃人畜有擊死  
者 二十七年先旱後潦五穀生芽歲大飢 二十八  
年六月蚩蝗生不傷禾稼食柳葉殆盡

咸豐六年西鄉大蝗 七年四月西南鄉大雨雹七月大

蝗禾稼一空歲大饑籌撥賑恤 十年冬大雪樹多凍

肥鄉縣志

卷三十二

災祥

七

死 十一年四月二十三日夜大風守城練勇刀矛俱  
有火光

同治元年六月大蝗知縣楊毓楠同教佐竭力撲打幸不  
爲災東鄉大旱不能撥種秋知縣楊毓楠施麥種錢五  
千餘串民困以蘇 二年八月二十九日夜城上大礮  
放光 三年冬大雪至明年二月始止 四年正月十  
三日大雪震雷